

Tur cos ta cla pa 6 di september pa celebra e “Dia di Brazil”

Lidernan boluntario cu tin nan tarea den e Parada Cultural, a reuni un biaha mas pa asina pasa den e “lista di guia” pa wak si tur cos ta na ordo. E topico mas importante tabata con ta bay trata cu e aliniacion di e gruponan y pa e parada bay suave y bunita.

E gruponan ta cuminsa alineá for di tempran alrededor di 3:30pm pa asina sali na ora stipula.

E aliniacion ta e siguiente:

“Rosea Cultural”, cu grupo di tambu “Sodo y Cuero” tambe DJ Hubert sound.

“Flor di Brazil” di Lia Lopes, Cunukero, Dera Gay

cu DJ Juan.

“Grupo Bernadina”, cu su Dama Grandi Cultural y agrupacion Stima mi.

“Kid to kids” cu su Baby Cultural y su sound-system Elite production

“Candyious” cu Prenda cultural y DJ Mayron.

“Wes Cet” cu DJ Jeanpierre.

“Grupo di Antaño” y DJ Alvin.

“Alegria di nos Cultura” cu Rincon Boys.

“Celebracion 40 aña di existencia di Centro di Bario Brazil” cu banda Talentoso.

“Fiesta den Sabana” cu su Tipico Brisas.

E parada ta sali net prome cu 4:00pm na Centro di Bario Brazil direccion West, pasa dilanti di Misa Catolico Cristo Rey bay pazuid y despues bira na man drechi direccion West(pabou), bira na man drechi drecha Noord Cura Cabay, direccion panort te na e crusada T di Rooi Kochi, bira nan man drechi subi caminda di Mabon, bay pariba direccion Misa “Cristo Rey” pa despues termina na Centro di Bario Brazil.

Bon bisiña:

Algo cu a resalta e ultimo añanan di e actividad ta,



e cooperacion masha bunita di e parokianonan di Brazil cu ta biba banda di e ruta di parada cu ta coopera cu e participantenan di e parada. Especialmente ora di emergencia entre otro cu e reinanan cultural y of damanan den e parada.

Mercado di Brazil:

Pa esunnan cu riba e dia aki no tin tempo pa cushina. Centro di Bario Brazil ta yena di nos cuminda crioyo. Ya for di tempran 9:00am tin e mercado di centro, cu mas di 20 diferente tent cu cuminda local crioyo. Abo ta stima nos cultura? Wak pa bo t'ey. □

